

DONOSTIATRUK - ARAUAK

Bigarren eskuko azokak:

DonostiaTruk-en helburu nagusiak hauek dira: erabilitako objektuen berrerabilera sustatzea, bigarren eskuko azokak duintzea, kontsumo arduratsuagoa eta lankidetzazkoa bultzatzea, eta ahalik eta pertsona gehienei esperientzia honetan parte hartzeko aukera ematea.

Salmenta edo truke postuak honako hauek jar ditzakete: partikularrek, elkarteek, Donostian erregistratutako herri entitateek, edo Donostiako ikastetxeek (guztiak irabazi asmorik gabekoak).

“Abenduko azoka berezi solidarioan” elkarteetako, Donostian erregistratutako herri entitateetako eta Donostiako ikastetxeetako pertsonak lehentasuna izango dute, eta pertsona partikularren parte-hartzea mugatuko da.

Donostian erroldatutakoek lehentasuna izango dute beste udalerrri batzuetakoan aurrean, tokian tokiko produktuen berrerabilera sustatzeko.

Bete-beharreko arauak:

- Salmenta edo truke postu batean parte hartzeko aurrez izena eman behar da eta azoka bakoitzerako baieztapena jaso. Izena emateko bi bide daude: 943 48 33 90 telefonora deitzea edo [www.donostia.eus /donostiatriuk](http://www.donostia.eus/donostiatriuk) gunean dagoen eskaera-orria betetzea.
- Azokan 16 urtetik gorako pertsonak parte har dezakete. Adingabeen kasuan, gurasoen edo tutoreen baimena aurkeztu beharko dute; eta ikastetxe batetik parte hartzen badute, ikastetxeko ordezkariak sinatutako idatzi bat aurkeztu beharko dute.
- Partikularrek gehienez 3 azokatan parte hartu ahal izango dute urtean zehar, eta horren parte-hartzea “abenduko azoka berezi solidarioan” mugatua izango da.
- Elkarteek, Donostian erregistratutako herri entitateek eta ikastetxeek ere gehienez 3 azokatan parte hartu ahal izango dute urtean zehar, eta parte hartuko duten 3 hilabeteak aukeratu ahal izango dituzte. Horretarako, dauden postuen % 15 gordeko dira, eta gainerako % 85a partikularrentzat izango da. Eskaera gehiago jasoz gero, zozketa bidez banatuko dira.
- Etxebizitza bakoitzeko pertsona bakar batek eman dezake izena.
- Izena emateko eta baieztatzeko epea: Azoka bakoitzean izena emateko epea zabalik egongo da astebete lehenago arte (ostiraleko 14:00ak arte telefonoz eta igandeko 00:00ak arte Internet bidez). Merkatua egingo den asteko asteazkenean, izena emandako pertsona guztiei jakinaraziko zaie lekua baduten ala ez.
- Salmenta-postuan lekua egokitu zaion pertsonak berak egon beharko du, parte hartzeko eskaera egin ohi duen beste inorekin partekatu gabe.
- Parte-hartzaile bakoitzari mahai bat jarriko zaio. Azalera hori eta mahai azpian gelditzen dena bakarrik erabili ahal izango ditu. Horrez gain, parte-hartzaile bakoitzak esekileku bakar bat eraman ahal izango du soilik, eta ipiniko du aldamenekoari traba egiten ez dion eta pasabidea oztopatzen ez duen lekuan.
- Parte-hartzaileen harrera 9:00etatik 10:00etara egingo da. Postua esleitua duten guztiak merkatuaren antolatzailearengana joango dira identifikatzeko (NA erakutsi beharko dute) eta arauen onespen-orria sinatzeko. Hark esango dio bakoitzari zein leku hartu behar duen. Era berean, NArek kopia utziko dio (modu digitalean izan daiteke, eta behin bakarrik behin bakarrik).
- Elkarre, herri entitate, edo ikastetxe bateko izateagatik izena eman duen pertsona, salmeta-postuak banatzeko unean bertan egongo da, eta salmeta-postuaz arduratuko den pertsona izango da.
- 14:00etan azoka amaituko da eta gauzak jasotzen hasi beharko da.
- Ezingo da azokako tokian utzi ez gauzarik ez hondakinik. Parte hartzaile guztiek aktiboki lagunduko dute eremua garbi uzteko lanetan.
- Salmenta edo trukeko eramatzen diren gauza guztiak egoera onean egongo dira eta legeko jatorrikoak izango dira.

- Ezingo dira eraman gauza berriak, stock-ekoak, salmentarako sortutako eskulanak, ezta edariak edo janariak ere.
- Salmenta-postuetan parte-hartzea doakoa da.
- Antolakuntzak eskubidea izango du arauak betetzen ez dituztenei edo antolakuntzako oharrak jarraitzen ez dituztenei zehapenak ezartzeko, hurrengo merkatuetako parte-hartzea ukatuz. Bereziki, ondorengoei arreta berezia jarriko zaie: postua eskatzaileak betetzea, etxebizitza bakoitzetik eskaera bat baino gehiago ez egotea, objektu berriak salgai ez jartzea, aurkeztutako objektuak eta aurkezpen-modua, ordutegia errespetatzea, erabilitako lekuaren garbitasuna, emandako datuak egiazkoak izatea... Era berean, zigortu egingo da postua eman, baina eskatzailea azokara joaten ez den kasuan. (Denboraldi horretatik geratzen den denboran eta hurrengo urtean zehar). Eskatzaileak, bertaratzeko aukerarik ez badu, salmenta-postuen banaketari egin baino lehen, baja jakinaraziko du eta eskaera bertan behera uzteko eskatuko du. Birsalmenta ere ezingo da egin, eta hori ere zigortu egingo da.
- Elkartek eta Donostian erregistratutako herri entitateek eratze-eskrituren kopia bat aurkeztu beharko dute. Azoka egunean parte-hartzaile guztiak identifikatu egin beharko dira NA erakutsiz.
- “Abenduko elkartasunezko azoka berezian” salmenta-postuak bereziki eskainiko zaizkie elkarteei, Donostian erregistratutako herri entitateei edo ikastetxeei (guztiak irabazi-asmorik gabekoak). Azoka horretan bakarrik onartuko dira eskulanak, parte hartzen duten taldeetako kideek hondakinez egindakoak.
- Antolakuntzak ezin die parte-hartzaileei ibilgailuak uzteko lekuri eskaini eta ez du inolako ardurarik izango haiek egin ditzaketen arau-hausteen aurrean.
- Azokaren antolatzaileek emandako jarraibideak bete beharko dira une oro.

Donostian, 2026/02/18an.

[Informazioa eta erreserbak DONOSTIATRUK:](#)

Email: ingurumena@donostia.eus - Telefono: 943 48 33 90